

Hitne mjere mogu zaustaviti ekonomski pad BiH



“Kolektivni prioritet” narednih vlasti mora biti uspostava “pravilno reguliranog i nepodijeljenog unutarnjeg tržišta u Bosni i Hercegovini koje će privlačiti investicije, održavati rast zaposlenosti i štititi potrošače”, rekao je visoki predstavnik i posebni predstavnik EU Valentin Inzko na međunarodnom poslovnim seminaru održanom danas u Sarajevu.

“Ekonomski program koji je Bosna i Hercegovina pristala provesti u okviru aktivnosti u cilju pristupanja Europskoj uniji predstavlja model za stvaranje tržišta na kojem se mogu desiti ovakve pozitivne promjene”, kazao je Inzko, te je pozvao širu javnost da zahtijeva od novoizabраних lidera provođenje ovog modela.

“Ali, najveći kamen spoticanja je da se ekonomski zakoni promatraju kao figurice na šahovskoj tabli koje treba pomjerati ili zadržavati zbog taktičke prednosti”, naveo je Inzko, navodeći kako je potrebno napraviti jasnu razliku između teških političkih reformi i ekonomskih reformi koje se moraju provesti “u narednim tjednima i mjesecima” kako bi se počelo sa zaustavljanjem sve raširenijeg siromaštva.

Bosna i Hercegovina se mijenja, zaključio je visoki predstavnik i posebni predstavnik EU. “Novoizabrani lideri mogu pokazati da su shvatili ovu promjenu tako što će ekonomiju staviti na dnevni red kao prvo pitanje u novim parlamentima».